



UNIVERSITÄTS-
BIBLIOTHEK
PADERBORN

Dissertationes Ad Jus Publicum Romano-Ecclesiasticum

Bessel, Johann Franz

Coloniæ, 1715

VD18 14847493

§. VIII. De Nuntiis Sive Legatis Sedis Apostolicæ.

[urn:nbn:de:hbz:466:1-61383](https://nbn-resolving.de/urn:nbn:de:hbz:466:1-61383)

num 1233. a duabus monialibus ex familia de Rosenburg & Landenburg, sita in Suevia prope Bibramum, est ordinis Cisterciensis.

II. Abbatissa Gutencellensis, Guttenzell fundata a duabus sororibus Comitis sis de Schloßberg, sita in Suevia intra Ulmam & Memmingam.

III. Abbatia Rothmonasteriensis, Rothen-Münster fundata anno 1626. ab Hemma Baronissa de Wildenberk, ordinis Cisterciensis, sita in Suevia prope Rothwilam.

IV. Abbatia Bayndensis zu Bâyndi fundata seculo 13. à Barone Schenck de Winterstett, Ord. Cisterciensis. Sita in Suevia prope Ravensburg.

V. Abbatia Burscheidensis, ex monasterio virorum anno 1220. versa in Abbatiam fœminarum, Ordinis S. Bened. sita prope Aquisgrana.

VI. Abbatia ad S. Joannem Lubecæ, quæ modo addicta religioni Protestantium; Abbatissa per fuos delegatos adhuc habet vocem & fessionem in Comitiis Imperii.

§. VIII.

DE NUNTIIS SIVE LEGATIS SEDIS APOSTOLICÆ.

SUMMARIA.

1. Dignitas Nuntiorum Apostoliconrum. 2. Quotuplex sit differentia legatorum sedis Apostolice. 3. Sunt instar Romanorum Proconsulum & Præsidum in Provincia legationis. 4. Possunt condere statuta etiam post discessum suum validura. 5. Possunt super causa electionis Episcopi examen instituere. 6. An & quando possit se immiscere cause alteri specialiter delegata. 7. Potest judicem delegatum prevenire. 8. Potest sententiam judicio à Papa delegati confirmare. 9. Legati à latere in quo sint digniores Nuntiis.

Maxima inter personas ecclesiasticas resurgent eminentia legati sedis apostolica, quos huc refero,

Apostolicus? 10. Legati à latere an & quatenus possint conferre beneficia in Provincia sua legationis. 11. Que beneficia excipiantur. 12. Legatus à latere, vel qui missus cum potestate legati à latere, an & quatenus possit absolvere ab excommunicatione referenda Pontifici. 13. Quid proprium sit legatis missis seu Nuntiis Apostolici. 14. Quæ prærogativa competit legatis nati. 15. Recensentur diversi legati nati variarum Nationum. 16. Legati in Provinciis sibi assignatis habent jurisdictionem ordinariam.

non quasi ordo dignitatis eos hoc juberet collocandos, cum eosdem alias statim post cardinales retulissent,

sem, sed quia extraordinaria nec perpetua, ut alii prælati, dignitate aut jurisdictione funguntur.

- 2 Legati sedis apostolicæ in tripli-
ci sunt differentia, legati à latere
nimirum, legati missi, legati nati.
legati à latere dicuntur, qui ex col-
legio cardinalium ad latus Pontifici-
cum Romæ residentium, ex causa
legationis in provincias destinan-
tur; *Legati missi* seu *nuntii apostolici*
compellantur, qui extra collegi-
um cardinalium ad imperatores,
reges, principes, provincias ab-
legantur. *Legati nati* vocantur,
quibus legationis munus cum offi-
cio & dignitate quasi connascitur.

Quæres 1. *Quenam sint commu-
nia omnibus legatus?*

- 3 Resp. Quod sint i instar Roma-
norum proconsulū & præsidū,
in provincia legationis jurisdictio-
nem & gubernationem habentes,
ut ibidem, *evellant & dissipent, & edi-
ficient & plantent*. Prout loquitur Cle-
mens IV, in cap. *legatos 2. de offic. leg.*
in 6.

- 4 Secundo: Quod statuta possint
condere, post suum discessum
quoque duratura, *dist. cap. legatos.*
& *cap. ult. eod.* proindeque in pri-
ma statim instantia per viam sim-
plicis quærelæ jure decretalium ad-
iri possunt. *cap. cum non ignoretis 1.*
de offic. legati quamvis per concili-
um Trid. *sess 24. de reform. cap. 20.*
statutum fuerit primā instantiam
episcopis seu judicibus ordinariis,
nequidem à sedis apostolicæ legatis
præripi vel auferri debere, P. En-

gel n. 10. de offic. leg. P. König. ibid.
n. 9. P. Wiestner. ibid. n. 9. nisi scili-
cet ordinarius intra biennium à die
motæ litis numerandum negligat,
vel nisi per appellationem à senten-
tia definitiva ad legatum devolu-
tatur.

Et in ipso appellationis processu
observandum est *cap. 3. de appellat.*
in 6. ut decernit idem Trident. *sess.*
22. cap. 7. & quoad appellationem
in causis criminalibus observari debet
decretem ejusdem concilii *sess.*
13. cap. 3. de reform.

Tertio: Potest legatus sedis apo-
stolicæ etiam super causa electionis
episcopi examen instituere, ita tam-
en, ut examen & informationes ad
Papam mittere debeat, & ex eo tem-
pore non possit amplius in causa
procedere, quia interim suspensa est
ejus jurisdictione. Prout sumitur ex
cap. licet 5. de offic. legat. Ratio est, quia
si judex examen causæ, seu causam
instructam ad principem seu superi-
orem referre decrevit cum partium
approbatione, & tamen pendente
relatione procedat, irritus est pro-
cessus, tanquam factus à judice in
competente; alioquin enim, si in-
ferior interim posset aliquid in cau-
sa procedendo immutare, videtur
superioris autoritati illudere.
l. 13. C. de appellat. *l. 1. C. de relat. can.*
12. cauf. 2. quest. 1.

Quarto: Quamvis legatus sive
nuntius (etiam de latere) non pos-
sit causam specialiter à S. Pontifice
alteri delegatam, ad suam cogni-
tionem trahere, vel sententiam à
delegato

Fff 2



delegato in causa speciali, secundum formam mandati, latam irritare, adeoque se non possit immiscere cognitioni ac processui certæ causæ specialiter commissæ, nec impedire commissionem specialem, *cap. studijs. 2. de offic. legati*, quia scilicet mandatum generale non derogat speciali, quoad illam speciem; neque jurisdictione minoris judicis exspirat præsente majore, *can. 39. caus. 11. quest. 1. can. 6. lib. 95.* id tamen limitatur, nisi causa nova, vel antea non prævisa à delegante superveniat, qua cognita verisimiliter non emanasset illa commissio specialis; quo casu legatus generalis prohibere potest delegato speciali, ne in negotio sibi commissio procedat, vel formam procedendi ei præscribere. *arg. l. 10. ff. mandat. Abbas in cap. 2. n. 2. de offic. legati* limitatur etiam secundo, nisi delegatus specialis contra formam mandati apostolici procedat, tum enim legatus generalis se immiscere & acta ejus rescindere aut declarare potest, quia jurisdictionem super causa specialiter commissa habitualiter retinet. *Imola in cap. 2. n. 3. de offic. legati* idque colligitur argumento à contrario sensu, quia per *cit. cap. 2. n. 3. de offic. legati* non potest legatus generalis sententiam delegati specialis, si secundum formam mandati lata sit, irritare; ergo si contra formam mandati lata sit, irritare eam poterit. Idem dicendum, si sententia delegati ex alio capite sit nulla, ut quia lata contra jus constitutionis;

tunc enim legatus generalis non impeditur cognoscere & declarare, illam esse nullam.

Quinto: Potest legatus generalis seu ordinarius delegatum in causa prævenire & causam contra impe- trantem mandatum seu commissio- nem specialē cognoscere, antequam litteræ comissionis sint præsentatae judici delegato, quo casu poterit legatus in causa cæpta progredi; secus si illæ jam fuerint præsentatae delegato, quia quoad exercitium jurisdictionis non attenditur tem- pus datae, sed præsentationis litterarum. Hostiensis & alii apud Fagnanum *in cit. cap. studijs. 2. n. 12. de offic. legati*.

Sexto: Quamvis legatus gene- ralis non possit sententiam delegati sedis apostolicæ irritare, potest tamen sententiam rationabiliter la- tam à delegato confirmare, & exe- cutioni mandare, *cit. cap. 2. in fin. Quæ confirmatio saltem est appro- batio quædam seu testimonium quoddam, ad hoc inserviens, ut legatus sententiam à delegato la- tam, & à se approbatam, nullitatis postea arguere non possit. Glosa in cit. cap. 2. V. confirmare, & ibidem Hostiensis V. eod. Abbas ibid. n. 5. de offic. legat.*

Corollarium. Quæ dixi hacte- nus communia esse legatis, & quæ dicam paulo inferius de speciali jurisdictione ac potestate, ita in- telligenda sunt, quod pendeant tum absolute, tum quoad exten- sionem aut restrictionem ex vo- lun-

Iunctate Pontificis delegantis. Layman. in cap. 4. n. 4. Pirrhing §. 2. n. 3. de offic. Legat.

9. Quæres 2. Quenam sit potestas specialis legati à latere?

Resp. 1. Legatus à latere seu Cardinalis majorem, quam alii legati potestatem habet, ideoque eo velut digniore præsente, legatus missus, qui non est à latere, non potest exercere potestatem legationis suæ, sed ipsius officium, licet non omnino exspiret, interim tamen quoad exercitium est suspendum, dum Cardinalis legatus ibidem moratur. cap. 8. de offic. legat.

10. Resp. 2. Legatis à latere concessum est, ut ratione muneris sui, adeoque jure ordinario, conferre possint beneficia, in provincia ad quam sunt destinati. cap. 1. in fin. dict. tit. in 6. Pirrhing, loc. cit. §. 3. n. 8. quare sicut Papa, ita & legatus à latere in sua provincia concurrit cum quolibet ordinario in collatione beneficiorum, ita ut inter eos sit locus præventioni, & legati collatio præferatur collationi ordinarii, si utraque eodem tempore facta sit. cap. 31. de præbend. in 6. alii tamen legati sedis apostolæ, qui non sunt à latere, sive sint nuncii missi, sive legati nati, ex officio legationis sibi generaliter commissæ, nullam habent potestatem conferendi beneficia, nisi hoc ipsis specialiter sit concessum. cap. 1. d. tit. in 6. cap. 4. de supplend. neglig.

Prælat.

11. Resp. 3. Quamvis legatus a la-

tere posfit conferre beneficia, id tamen non extenditur ad ecclesiæ cathedrales, regulares, aut collegiatas, vel etiam dignitates, quæ in cathedralibus, post episcopatum majores sunt, & per electionem capitularem conferuntur, has enim legatus suæ ordinationi, collationi, provisioni, aut dispositioni, reservare aut se immiscere, vel electores impedire non potest, quominus libere, cum ecclesiæ vacabant, eligere vel postulare possint, & quidquid contra aëtum fuerit, eo ipso irritum sit & inane. cap. 4. in Princ. d. tit. in 6. Ratio est, quia id cederet in præjudicium electorum, quorum juri nec ipse Papa facile derogare solet, sed liberam eis eligendi potestatem relinquit. arg. cap. 16. §. illis vero. de præbend. in 6.

Resp. 4. Legatus a Latere nequit conferre beneficia a summo Pontifice suæ collationi reservata, sive generaliter sive specialiter, absque speciali ejus mandato, nam in reservatis scdis Apostolicæ legatus se immiscere non potest. cap. 4. de offic. leg. nec beneficia vacantia in curia. cap. 2. de præbend. in 6. nec etiam potest legatus Papæ conferre beneficia litigiosa. arg. cap. 1. & 2. ut licependente, quæ non ab aliis, quam à Papa conferri possunt.

Corollarium. Quæ hactenus dicta sunt de legatorum potestate conferendi beneficia, probabilius non procedunt, quoad illa beneficia intra 6. menses alternos assignatos per concordata, Germaniæ or-

dina-

Fff 3



dinariis collatoribus, eos præveniendo; quia hæc concordata Nicolai V. cum Natione Germanica habent rationem pæcti, cui nec summus Pontifex derogare solet. Layman. in cap. dilectus. 6. n. 2. de off. legat.

¹² Resp. 5. Legatus à latere, vel qui potestate legati à latere missus est, etiamsi Cardinalis non sit, à die egressus sui ex urbe usque ad diem reditus in urbem potest absolvere quoscumque clericorum, aut ecclesiasticarum personarum percussores ab excommunicatione contracta, etiam propter percussionem enormem, sive illi sint de provincia, ad quam missus est legatus, sive de alia, etiam post legationem finitam, dummodo à summo Pontifice non sit revocatus. Colligitur ex cap. 9. cap. 4. de off. legat. Molina. tract. de Justit. disp. 9. n. 4. idque introducitum est tum ob reverentiam Apostolicæ sedis, cuius vices gerunt tales legati, tum in favorem animarum, ut periculum moræ evitetur. Non tamen potest talis legatus ab aliis excommunicationibus Papæ reservatis absolvere, sine speciali concessione seu mandato, quia in istis exorbitantibus & prohibitis non debet fieri extensio de casu ad casum non expressum. Abbas in cap. penult. n. 4. de offic. judic. delegat.

Quæres 3. Quid proprium sit legatis missis seu Nuntius Apostolicis?

¹³ Resp. Nuntius Apostolicus præter excommunicationem, à subditis sua provinciæ vel etiam Advenis in sua provincia per injectionem ma-

nium in clericos contractam, à qua absolvere, potest etiam aliqua leviora in legationis indulto non comprehensa, facere. Per text. in cap. 9. de offic. legat. & ibidem Panormitanus n. 6. cap. 6. de presumpt. cap. 18. de accusat.

Quæres 4. Quid proprium sit legatis natis?

Resp. Eis proprium esse, quod¹⁴ eorum potestas non sit personalis, velut est potestas cæterorum legatorum, sed realis atque in successores in dignitate transitoria cap. 13. de Privileg. cæterum legatus natus nequidem provinciales subditos absolvere potest ab excommunicatione lata in percussorem clerici, quia alias tales percussores non quam deberent pro ab absolutione petenda adire Papam, cum haberent præsentem superiorem, qui eos absolvere posset, & sic clerici illius provinciæ perderent privilegium canonis.

Porro legatus natus olim in Germania nostra erat Archi-Episcopus Magdeburgensis, nunc autem est Salisburgensis; in Anglia Archi-Episcopus Cantuariensis, in Italia Pisanus, in Gallia Rhemensis, in Hispania Toletanus, in Polonia Gnesin.

Corollarium. Omnes isti legati¹⁵ Apostolici in Provinciis ad quas sunt deputati, vices Papæ gerunt, & loco iplius ordinariam jurisdictionem in omnes de Provincia exercent, atque Apostolica authoritate funguntur, ideoque vicarii Papæ sunt & dici possunt, cap. 1. in fin. de off. legat.

§. IX.